

O a suiga mo e o loo umia tusifolau Samoa?

Mai le aso 1 Oketopa 2019, O e umia tusifolau Samoa o loo malaga faaauau mai Auckland International Airport mo isi atunuu, e tatau ona umia se **NZeTA (New Zealand Electronic Travel Authority)** a o le i malaga ese. E le moomia se NZeTA mo e o loo umia se visa Niu Sila i le taimi nei.

O le a le NZeTA?

O le NZeTA o se faiga fou e puipuia ai tuaoi, na faavae e le Malo o Niu Sila i le aso 1 Oketopa 2019.

O ai e moomia se NZeTA?

O e o loo umia tusifolau Samoa o i latou nei e tatau ona umia se NZeTA e mafai ai ona ulufale i le Auckland International Airport o se pasese malaga faaauau. E le mafai e se pasese malaga faaauau ona tuua fafo atu o le Auckland International Airport.

E tatau i e umia tusifolau Samoa o loo fuafua e malaga mai i Niu Sila mo le faaauau atu i se isi atunuu ona i ai se visa.

O ai e le moomia se NZeTA?

O tagata malaga o loo umia se visa Niu Sila o loo aoga o i latou nei e le moomia se NZeTA (aofia ai Tagata Nofomau Niu Sila). E le moomia foi e sitiseni Niu Sila ma Ausetalia se NZeTA.

Afai o oe o se sitiseni Niu Sila peitai o loo faaoga lau tusifolau Samoa e te faimalaga ai, e tatau ona i ai se faamaoniga o lou sitiseni Niu Sila i lau tusifolau.

Auala e mafai ai ona talosaga se NZeTA

- Fai se kopi o le polokalame NZeTA i lau telefoni feaveai.
- Faatumu pepa i le immigration.govt.nz/nzeta.
- Talosaga i se tasi o lou aiga poo sau uo e fai ma ou sui na te talosagaina se NZeTA mo oe.
- Afio ane i se lala a le Visa Application Centre (VAC). E totogi le \$14 i le VAC mo lea auunaga, e faaopoopo i le tupe e totogi mo lau talosaga mo se NZeTA.

Silasila i le immigration.govt.nz o le uepa tafailagi aloaia a le Malo o Niu Sila mo talosaga mo se NZeTA. E tatau ia te oe poo se tasi o loo fesoasoani i lau talosaga ona faamautinoa o loo sa'o le uepa tafailagi e talosaga ai se NZeTA o loo faaoga i lau komepiuta poo le telefoni feaveai.

Afio ane i Visa Application Centres ua laiseneina e talosaga ai se NZeTA mo se tasi o le a faimalaga. Aua e te talosagaina se NZeTA i se isi lava vaega e le i laiseneina.

Taimi e tatau ai i tagata malaga ona talosaga se NZeTA

E tatau ona lava lelei le taimi e talosaga ai mo se NZeTA. E ono oo atu i le 72 itula e faatali ai se NZeTA.

E le faatagaina ona e malaga, pe afai e leai sau NZeTA i le taimi e siaki ai au pepa malaga. Atonu e mafai ona e talosaga mo se NZeTA i le taimi e siaki ai au pepa malaga, peitai afai e le mafai e le Immigration New Zealand (INZ) ona faagaioi lau talosaga i se taimi vave, poo ua teena lau talosaga, e le mafai lava ona e malaga ese.

E fia le tau mo se NZeTA?

- E NZD\$9 le NZeTA pe a faaoga polokalame i le telefoni feaveai e fai ai lau talosaga.
- E NZD\$12 le NZeTA pe a faaoga le uepa tafailagi e fai ai lau talosaga.

E \$14 le tupe faaopoopo e totogi pe a faaoga le ofisa Visa Application Centre (VAC).

E maua le fesoasoani mo sau NZeTA

E mafai e le ofisa VAC, o lau uo poo se tasi o lou aiga ona tuu le polokalame NZeTA i le telefoni feaveai poo le immigration.govt.nz e talosaga ai se NZeTA.

E moomia ona e tuuina mai faamatalaga nei

- Pepa malaga (tusifolau).
- Pepa faamaonia (ata).
- Fesootaiga (imeli).
- E aoga faamatalaga i faaiuga fai a le INZ i lou agavaa e te malaga faaauau ai i Niu Sila e aunoa ma se visa (pei o se tautinoga i talaaga i solitulafono).

O faamatalaga ua tuuina mai o le a faaoga e faamaonia ai lou agavaa e te malaga faaauau ai i Niu Sila ma o le a siaki i isi faamatalaga o loo taofia e le INZ, pei o le lisi mo Tusifolau Faavaomalo Leiloa ma Gaoia.

Aua le faatuai. Malamalama atili i le faiga o le NZeTA immigration.govt.nz/nzeta